

I. Textausschnitte zu Einzelaspekten

7. Von manigerlei sprâche¹

Swer tiutsche wil eben tihten, Der muoz sîn herze rihten Ûf manigerleie sprâche:	22255
Swer wênt daz die von Âche Reden als die von Franken, Dem sÛln die miuse danken. Ein ieglich lant hât sînen site, Der sînem lantvolke volget mite.	22260
An sprâche, an mâze und an gewande Ist underscheiden lant von lande. Der werlde dinc stêt über al An sprâche, an mâze, an wâge, an zal.	22265
Swâben ir wörter spaltent, Die Franken ein teil si valtent, Die Beier si zezerrant, Die Düringe si ûf sperrent, Die Sâhsen si bezückerent, Die Rînliute si verdrückerent,	22270
Die Wetereiber si würgent, Die Mîsener si vol schürgent, Egerlant si swenkerent, Oesterrîche si schrenkerent, Stîrlant si baz lenkerent,	22275
Kernde ein teil si senkerent, Bêheim, Ungern und Lamparten Houwent niht mit tiutscher barten Franzois, Walhe und Engellant, Norweye, Yberne sint unbekant	22280
An ir sprâche tiutschen liuten; Nieman kan ouch wol bediuten Kriechisch, jüdisch und heidenisch Syrisch, windisch, kaldêisch: Swer daz mischet in tiutsch getihte.	22285
Diu meisterschaft ist gar ze nihte. Die lantsprâche dâ vor genant In tiutschen landen sint bekant: Swer ûz den iht guotes nimt,	

¹ aus:Hugo von Trimberg: *Der Renner*, hg. von Gustav Ehrismann. 4. Bde., Stuttgart 1908-1911

